

BOSNA I HERCEGOVINA



БОСНА И ХЕРЦЕГОВИНА

Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KT 0022429 22
Sarajevo, 14.02.2023. godine

SUD BOSNE I HERCEGOVINE
- Sudiji za prethodno saslušanje -
SARAJEVO

Na osnovu člana 35. stav 2. tačka i), člana 226. stav 1. i člana 227. Zakona o krivičnom postupku Bosne i Hercegovine, p o d i ž e m

OPTUŽNICU

PROTIV:

GORANA PETROVIĆA, [redacted] rodenog [redacted] 1967.
godine u Zenici, [redacted]
[redacted] državljana
BiH i Republike Srbije, [redacted]

Što je:

Dana 05.07.2022. godine, u 15:21 sati, radi sticanja protivpravne imovinske koristi, nezakonito preveo grupu od 12 migranata preko državne granice, i to jedanest državljana Indije i jednog državljanina R Turske između Bosne i Hercegovine i R Hrvatske, postupajući protivno članu 6. Protokola protiv krijumčarenja migranata, kopnenim, morskim i vazдушnim putem kojim se dopunjuje Konvencija UN protiv transnacionalnog organiziranog kriminala (Službeni glasnik BiH, broj: 3/02) i članu 7. stav 2. Zakona o graničnoj kontroli (Službeni glasnik BiH, broj: 53/09, 54/10 i 47/14), znajući da migranti

nemaju važeće putne isprave, vize ili odobrenje za boravak u BiH, odnosno da ne ispunjavaju uvjete za zakonit prelazak preko državne granice BiH, niti ispunjavaju uvjete za zakonit ulazak u zemlje Europske Unije, odnosno da u tim državama nemaju odobren boravak ili prebivalište, kako je to propisano članom 8. stav 1. Zakona o strancima (Službeni glasnik BiH, broj: 88/15 i 24/21) i to na način da je upravljajući teretnim vozilom marke Mercedes Benz tip 963-4-A, registarskih oznaka [REDACTED], vlasništvo prijevoznice firme d.o.o. [REDACTED] iz Brčko Distrikta BiH sa priključnim vozilom marke Schmitz, tip SKO 24, registarskih oznaka BiH [REDACTED], vlasništvo osumnjičenog Gorana Petrovića, prethodno se dovezao na njemu poznatu lokaciju gdje je i omogućio ulazak ukupno 12 osoba u pregrađeni skriveni dio priključnog vozila (hladnjače), širine cca 75 centimetara, znajući da navedeni migranti, nisu ispunjavali uslove za zakonit boravak u Bosni i Hercegovini, niti uslove za zakonit prelazak državne granice Bosne i Hercegovine, te svjestan da zbog malog prostora i nedostatka zraka može ugroziti život, zdravlje i sigurnost migranata, pa se potom s ciljem ilegalnog prevođenja navedenih lica preko državne granice Bosne i Hercegovine u Republiku Hrvatsku, dovezao do MGP Orašje, gdje je na navedenom graničnom prelazu nakon izvršene granične kontrole prešao državnu granicu BiH i uputio se preko mosta na rijeci Savi prema granici R Hrvatske, nakon čega prevoženi migranti zbog nedostatka zraka i loših uslova u skrivenom dijelu počinju praviti buku i vikati, da bi se nakon toga osumnjičeni strahujući da će ga otkriti zbog buke i vike koju su pravili migranti na granici sa RH, okrenuo vozilo i vratio se iz pravca R Hrvatske prema Bosni i Hercegovini, gdje se zaustavio u saobraćnoj traci namijenjenoj za kretanje teretnih motornih vozila na ulazu u Bosnu i Hercegovinu u neposrednoj blizini MGP Orašje, nakon čega policijski službenik Granične policije BiH [REDACTED] prilazi zaustavljenom teretnom motornom vozilu radi utvrđivanja razloga zaustavljanja gdje zatiče da iz namjenski pregrađenog i skrivenog prostora koji se nalazi na prednjem dijelu priključnog vozila (hladnjače), širine cca 75 centimetara, izlazi 12 muških osoba afroazijskog porijekla, gdje je kontrolom utvrđeno da se radi o 11 državljana Indije, koji nisu posjedovali putne isprave identitet utvrđen po vlastitoj izjavi i to: [REDACTED]

[REDACTED], pa je osumnjičeni Goran Petrović postupajući na ovakav način ugrozio život, zdravlje i sigurnost migranata.

Dakle, s ciljem sticanja protivpravne imovinske koristi, nedozvoljeno preko državne granice preveo više migranata ugrožavajući pri tome život, zdravlje ili sigurnost migranata i pri tom ostvario protivpravnu imovinsku korist u njemu poznatom iznosu,

Čime je počinio krivično djelo „Krijumčarenja ljudi“ iz člana 189. stav 3. u vezi sa stavom 1. KZ BiH.

T U Ž I L A C
TUŽILAŠTVA/TUŽITELJSTVA BiH